

# АДОЛАТ

IJTIMOIIY-SIYOSIIY GAZETA info@adolatgzt.uz www.adolatgzt.uz www.adolat.uz № 36 (1257) 2019-yil 6-sentabr, juma

Ўзбекистон Республикаси Президенти Шавкат Мирзиёев 5 сентябрь куни аҳолини тоза ичимлик суви билан таъминлаш бўйича устувор вазифаларга бағишланган йиғилиш ўтказди.

## СУВ ТАЪМИНОТИ ТИЗИМИ ТУБДАН ИСЛОҲ ҚИЛИНАДИ

Мамлакатимизда аҳоли, айниқса, 11 мингдан зиёд қишлоқ аҳолисини тоза ичимлик суви билан таъминлаш ўта долзарб масала бўлиб қолмоқда.

Танқидий-тахлилий руҳда ўтган ушбу тадбирда давлатимиз раҳбари таъкидлаганидек, охириги 2 йилда ичимлик суви ва канализация тизимини яхшилашга 2 триллион 400 миллиард сўм ажратилди. Бу аввалги 10 йилда ажратилган жами маблагдан 2 баробар кўп демакдир.

Шунга қарамасдан, мамлакатимизда аҳолини марказлашган тармоқлар орқали тоза ичимлик суви билан таъминлаш даражаси 68 фоизни ташкил этмоқда. Бу кўрсаткич, жумладан, Қорақалпоғистонда 52 фоиз, Бухорода 53, Қашқадарё ва Сурхондарёда 54, Хоразмда 56 фоиз, ҳолос.

Йиғилишда қайд этилишича, Тошкент шаҳрида сув таъминоти корхоналари рентабеллиги 7 фоиз, Андижон ва Қашқадарёда 6, Навоий вилоятида 3 фоизни ташкил этади.

27 минг километр ёки 38 фоиз сув тармоқлари авария ҳолатида бўлса, 2 мингта ёки 20 фоиз сув насослари ишдан чиққан. Юртимиз шаҳарларининг фақат 79 тасида (57 фоиз) канализация тизими мавжуд, унинг ҳам 23 фоизи таъмирга муҳтож.

Йиғилишда, шунингдек, бугунги кунда ичимлик суви ишлаб чиқариш ва тарқатиш иншоотларининг 85 фоизиди ҳисобга олиш тизими мавжуд эмаслиги ҳам танқид қилинди.

Жами 3 миллион 280 минг сув истеъмолчиларидан атиги 44 фоизга, яъни 1 миллион 425 минг хонадонга ҳисоблагич ўрнатилгани соҳада ишлар сустлашган билан амалга ошириляётганини кўрсатмоқда.

Айниқса, қишлоқларда кўплаб эгасиз сув иншоотлари мавжуд (биргина Бўка тумани-

да, масалан, 60 дан ортқ шундай объект бор).

Давлатимиз раҳбари шу ва шунга ўхшаш бошқа муаммоларни ҳал этиш учун соҳада олиб бориляётган ишларни кескин жадаллаштириш лозимлигини таъкидлади. Ҳисоб-китобларга кўра, 2030 йилга қадар сув таъминотини шаҳарларда 98, қишлоқларда 85 фоизга, канализация тизимини 31 фоизга етказиш кўзда тутилган. Бунинг учун 4,5 миллиард доллар маблаг керак бўлади.

Бундай улкан мақсадларга эришиш учун эса ҳозирда ноҳ муҳим вазифаларни ҳал этиш зарурлиги кўрсатиб ўтилди.

Аввало, тарифларни эркин бозор талаблари асосида белгилаш ва соҳага хусусий инвестицияларни жалб қилиш керак. Қолаверса, тоза ичимлик суви ишлаб чиқариш ва тарқатиш иншоотлари ҳамда истеъмолчиларни 2022 йил охирига қадар 100 фоиз ҳисоблагичлар билан таъминлаш лозимлиги қайд этилди.

Шу мақсадда Молия ва Уй-жой коммунал хизмат кўрсатиш вазирликлари 2020 йил 1 январдан тарифларни хизматлар таннархини тўлиқ қоплаш ва модернизация харажатларини ҳисобга олган ҳолда белгилаш вазифаси юклатилди.

Шунингдек, олис ва тоғли ҳудудлар аҳолисини тоза ичимлик суви билан таъминлаш харажатларининг бир қисмини давлат томонидан қоплаб бериш тартиби жорий қилиниши белгилаб қўйилди.

Бундан ташқари, тажриба тариқасида сув ва канализация тизимини тадбиркорларга давлат-хусусий шериклик асосида бериш чоралари кўрилиши таъкидланди.

Йиғилишда белгиланган вазифаларни бажариш юзасидан соҳа раҳбарлари ахборот берди.

ЎЗА

## Спортга эътиборни бир кун ҳам кечиктирмаслик керак. Спортни ривожлантиришга бугун замин яратсак, эртага албатта натижа беради.

Шавкат МИРЗИЁЕВ, Ўзбекистон Республикаси Президенти



## Спорт мамлакатни дунёга танитади

Дарҳақиқат, ҳар қандай мамлакатни дунёга жуда тез танитишни оммабоп воситаларидан энг муҳими спортдир. Айниқса, бугун, ахборот-коммуникация технологиялари тараққий этган, янгидан-янги инновацион кашфиётлар амалиётга кенг қўламда татбиқ этиляётган даврда эртасини уйлаган, келажак авлод қаҳида қайгурган давлат

жисмоний тарбия ва спортга алоҳида эътибор қаратаётгани бежиз эмас. Зеро, спорт миллиятни жисман соғлом этиш билан бир қаторда маънан комилликка, интеллектуал юксакликка олиб чиқади. Ахир халқимиз бежиз "Соғлом танда — соғлом ақл" демайди. Эътироф этиш жоиз, кейинги йилларда юртимизда жисмоний тарбияни янада омма-

лаштириш, профессионал спортчилар етиштириш бўйича қатор ишлар амалга оширилди. Жумладан, алоҳида вазирлик ташкил этилди, 2019-2023 йилларда жисмоний тарбия ва оммавий спортни ривожлантириш концепцияси тасдиқланди. Бундай эътиборнинг самараси сифатида мамлакатимиз спортчилари ўтган йилги

Осиё ўйинларида умумжамоа ҳисобида 5-ўринни эгаллашга муваффақ бўлишди.

Бироқ эришилган натижаларимиз ҳали жуда камтарона. Шу сабаб улардан қониқиб ҳосил қилиш асло мумкин эмас.

Куни кеча Президентимиз раислигида жисмоний тарбия ва спортни ривожлантириш, халқаро мусобақаларга тайёрликни кучайтириш масалаларига бағишланган видеоселектр йиғилишини кўриб туриб, ҳаётимизда жисмоний тарбия ва спортнинг аҳамияти қанчалар катта эканлигига яна бир бор иқрор бўлдим.

2-БЕТ

## КУЗ-ҚИШ МАВСУМИГА ТАЙЁРГАРЛИК ҲОЛАТИ КЎРИБ ЧИҚИЛДИ

Президент Шавкат Мирзиёев 5 сентябрь куни иқтисодиёт тармоқлари ва ижтимоий соҳа объектларини куз-қиш даврида барқарор ишлашга комплекс тайёрлаш бўйича йиғилиш ўтказди.

Жорий йил 30 июлда давлатимиз раҳбарининг мазкур чоратадбирларга оид қарори қабул қилинган эди. Унга мувофиқ, Бош вазир раислигида Республика комиссияси тузилиб, барча мутасадди идораларнинг бу борадаги вазифалари белгиланди. Турар жойлар, ижтимоий муассасалар ва корхоналарни иссиқлик энергияси билан узлуксиз таъминлаш, қозонхона ва тармоқларни таъмирлашга қаратилган ишлар изчил амалга оширилмоқда.

Йиғилишда ёқилғи-энергетика комплексидидаги корхоналар фаолияти таҳлил қилиниб, галдаги муҳим чоралар белгилаб берилди.

Куз-қиш мавсумида аҳоли ва иқтисодиёт тармоқлари эҳтиёжини қоплаш ҳамда экспортни таъминлаш, бунинг учун табиий

газ қазиб олишни кўпайтириш дастурини самарали бажариш зарурлиги таъкидланди. Вазирлар Маҳкамаси ва Энергетика вазирлигига истеъмолчилар эҳтиёжини қондириш имкониятларини тўлиқ сафарбар этиш юзасидан топшириқ берилди.

"Ўзтрансгаз", "Худудгазтаъминот" акциядорлик жамиятларига жорий йил 1 ноябргача 93 километр газ тармоғи ва 172 та газ тақсимлаш пунктини реконструкция қилиш ҳамда капитал таъмирлаш, ерости омборларида газ захирасини шакллантириш вазифаси қўйилди. "Муборакнефтьгаз" ва "Газлинефтьгазқазибчиқариш" корхоналарида янги компрессор станцияларини ишга тушириш муҳимлиги қайд этилди.

2-БЕТ

## МУНОСАБАТ

## АДОЛАТ — ИСЛОҲОТЛАРИМИЗ АСОСИ

Наримон УМАРОВ, Олий Мажлис Қонунчилик палатасидаги Ўзбекистон "Адолат" СДП фракцияси раҳбари

Бў ёруғ оламда инсон учун Ватан қанчалик муқаддас бўлса, унинг мустақиллигини асраб-авайлаш, шу озод юрт тинчлиги учун курашиш, равнақи йўлида меҳнат қилиш шарафдир.

Бу йил жонажон Ўзбекистонимиз истиқлолга эришганига 28 йил тўлди. Аслида истиқлол фақат байрам куни эсланидиган тушунча эмас, аммо айна шу кутлуғ кунда ота-боболаримиз асрлар мобайнида орзу қилган ва катта машаққатлар билан эришилган истиқлолимизнинг қадрига етиш, унга муносиб бўлишдек ватанпарварлик туйғулари қалбимизда ҳар доимгидан-да кўпроқ жўш ураётгани рост.

Айниқса, Президентимиз Шавкат Мирзиёевнинг мустақиллигининг йигирма саккиз йиллигига бағишланган тантаъли маросимдаги нутқиди айтилган сўзлар барчамизни яна бир бор таъсирлантирди.

Юртбошимиз таъкидлаганидек, мард ва матонатли халқимиз қанчалик қийин ва оғир синовларга дуч келмасин, ўзининг мустақам иродасини намён этиб, ўзи танлаб олган мустақиллик йўлига доимо содиқ бўлиб келмоқда.

Бугун Ўзбекистон ўз тараққийотининг янги босқичига дадил қадам қўймоқда. Мамлакатимизни модернизация қилиш, инсон ҳуқуқ ва эркинликларини, қонун устуворлигини таъминлаш асосида Ўзбекистоннинг янги, демократик қиёфаси яратилмоқда.

2-БЕТ

## Бугунги сонда:

- Янги телеканал ташкил этилса... **4**
- «СНОС» — «оҳори»ни йўқотаётган атама **5**
- Ватан — тақдиримиз, келажакимиз **8**















